

元始无量度人上品妙經卷之三十九

南宮延生品

道言昔於丹靈天中絳彩颿歌朱陵昌土受元始度人南宮延生无量上品元始天尊當說是經週回十過以召十方始當詣座天真大神上聖高尊妙行真人南昌上宮天機內省延生保僊上真道君南宮延生天機上相真宰天機上吏真宰天機真僊真宰天機直神真宰丹元僊官三元僊官天機都吏甲騎神吏無鞅數眾乘空而來彤霞神霄寶輿丹輪鳳蓋垂蔭流明紫光九色翳蔚洞煥太空六日六夜南昌上宮星樞守躔候鼓不鳴龍嶽水刻玉滴停注煙旗浮空霧帷卷香樞機二省十官秉

道藏輯要

度人妙經

卷

元集一
上卷三

笏嚴領局部神風輕襲虛海澄映天容廓清氣界昭曠一國地土山川林木緬平一等無復高下土成柔玉紺膩純明洞徹圓羅無有異色眾真侍座元始天尊立坐空浮六龍戲珠交昇雲錦之座說經一遍諸天大聖同時稱善是時南昌宮中天機內省注上兆庶延生保僊之名萬億論計得仙之人九萬餘條說經二遍南辰朱華映滿碧虛雲綱縈同瑰衡蚪屈說經三遍琳琅振韻讚美洞章說經四遍南宮啟關生育萬彙說經五遍天機流運五德平昌說經六遍六星搖光萬神協慶說經七遍仙算無終世壽遐遠說經八遍真魔降券度兆延生說經九遍雨花盈尺天香合雲說經十遍世無夭折樂慕靈真是時一國是

男是女莫不傾心皆受護度咸得長生

道言是時元始天尊說經一遍東方无極无量品延生至真大神无鞅之眾浮空而至說經二遍南方无極无量品延生至真大神无鞅之眾浮空而至說經三遍西方无極无量品延生至真大神无鞅之眾浮空而至說經四遍北方无極无量品延生至真大神无鞅之眾浮空而至說經五遍東北无極无量品延生至真大神无鞅之眾浮空而至說經六遍東南无極无量品延生至真大神无鞅之眾浮空而至說經七遍西南无極无量品延生至真大神无鞅之眾浮空而至說經八遍西北无極无量品延生至真大神无鞅之眾浮空而至說經九遍上方无極无量品延生至真大神无鞅之眾浮空而至說經十遍下方无極无量品延生至真大神无鞅之眾浮空而至十遍周竟十方无極南宮延生天真大神一時同至一國男女傾心歸仰將聞元始天尊宣示南宮延生之法成真之要各相謂言我等位證天人住諸天中未聞天司名品居處統治三元生死罪福功過所在南宮延生但知大略南昌上宮爲南極長生大帝君之總司延生之所復在何治有何典宰主吏三元之民當何祈請遂獲延生將享无極今日天尊敷陳綱括開曉天人我等宜各精心歸依大法修證前詣再拜稽首來者有如細霧密雲无鞅數眾遶國一半土皆偏陷非可禁止一切大眾圍繞座側瞻仰靈

顏觀聞妙法元始俯仰四顧攬几迴天儼紫金光容發言宣告
大眾曰夫天地定位君臣乃立三上帝設官布政分治三元
紫微太微爲兩極之司以主生死世人罪福仙真功過紫微曹
局係於北斗太微案掾隸於南辰紫微天官之司則有太玄都
省以統三官太微大君之司則有天樞天機二省以延注生命
校領羣靈南斗第五星曰天樞第六星曰天機樞機二省爲上
帝之內司長主大帝正所御也天有三省以治三元則樞機之
司並屬於南斗上宮卽太微宮也三省之內金闕侍中上相上
宰侍郎仙卿司命以共治之兆能長齋奉詞天機省中懇禮長
生大帝嚴備供養勤誠不替則有九天採察考校真官按兆功

道藏輯要

度人妙經

卷一

元集一

×××

過上聞機省則上相注筆爲兆延生壽無紀極不必丹芝可俟
仙道大眾欣躍乞獲詳教渴仰聖言於是元始懸一寶珠大如
黍米在空玄之中去地五丈元始登引天真大神上聖高尊妙
行真人天機內省上相真宰靈官直符甲卒統騎南宮延生无
量大神十方无極至真尊神无鞅數眾俱入寶珠之中天人仰
看惟見拂拂從珠口中入旣入珠口不知所在國人廓散地還
平正無復畝陷元始卽於寶珠之內說經都竟眾真監度以授
於我當此之時喜慶難言法事粗悉諸天復位條欵之間寂無
遺響是時天人遇值經法普得濟度全其本年無有中傷傾土
歸仰咸得延生不殺不害不嫉不妬不淫不盜不貪不欲不憎

不殆言無華綺口無惡聲十二善行專則延生南宮自聞天機
列言七世命仙齊同慈愛異骨成親國安民豐欣樂太平經始
出教一國以道預有至心宗奉禮敬各得度世

道言元始天尊說經中所言並是上帝南宮延生內名隱韻之
音亦是天機省中上相內諱白靈之隱名也齋戒誦之直符詣
天機省乞延生之錄太上度南宮之契兆得延生永世長存非
世之常辭上聖已成真人通玄究微能悉其章誦之十過諸天
遙唱萬帝設禮南宮延生天機紀齡雙景照預泥丸返精羣魔
束形鬼癘滅爽回屍起死白骨成人至學之士誦之十過則大
君流遷三省言功魔精喪眼鬼祆滅爽濟度垂死絕而得生所

道藏輯要

度人妙經

卷

九集一

以爾者學士穢氣未消體未洞真召制百神威未制天政德可
伏御地祇束縛魔靈但卻死而已不能更生輕誦此章身則被
殃供養尊禮門戶興隆世世昌熾與善因緣萬災不干神明護
門斯經尊妙獨步玉京度人无量爲萬道之宗巍巍大範德難
可勝

道言凡誦是經十過諸天齊到南昌宮中天機省宰上相真君
請長生大帝玉篆龍文九雲之書雲章寶錄統僊驅吏八鸞眞
符告下酆山泉曲之府使億曾萬祖幽魂苦爽皆卽受度上升
朱宮格皆九年受化更生得爲貴人而好學至經功滿德就皆
得神仙飛昇金闕遊宴玉京也上學之士修誦是經南極丹元

左靈仙府真官直符神吏爲兆延生皆卽受度飛昇南宮世人受誦則九元八極四斗三眞十二仙官教兆隱遷延生長年後皆得作屍解之道魂神暫滅不經地獄卽得返形遊行太空此經微妙普度無窮一切天人莫不受慶无量之福生死蒙惠上天所寶不傳下世至士齋金寶效心盟天而傳輕泄漏慢殃及九祖長役治官侍經南宮玉童玉女各二十四人營衛神文保護受經者身

道言正月長齋誦詠是經南宮延生長生大帝敕太玄九仙君太虛无上君太上九老仙都君爲兆開心通幽洞冥爲上世亡魂斷地逮役度上南宮七月長齋誦詠是經南宮延生天機上

道藏輯要

度人妙經

卷

九集一

相告太虛紫元洞陽元君太素仙元君太上秀樂君爲兆辟妄長獲至眞身得神仙南宮書名黃籙白簡削死上生十月長齋誦詠是經南宮延生金闕侍郎請玉華洞靈君玉華紫靈君元丹中皇君爲兆護身忠事至尊孝及一門爲國主帝主君臣父子安鎮國祚保天長存世世不絕常爲人君安鎮其方民稱太平八節之日誦詠是經南宮延生玉清三皇大帝華陽仙君紫靈仙君洞陽仙君開兆八關得見眞仙得爲九宮眞人本命之日誦詠是經南宮延生長生大帝敕太極仙君清靈仙君九光仙君十華仙君延兆生籍赦罪超神魂神澄正萬氣長存不經苦惱身有光明三界侍衛五帝司迎萬神朝禮名書上天功滿

德就飛昇上清

道言行道之日皆當香湯沐浴齋戒入室東向叩齒三十二通上聞三十二天心拜三十二過閉目靜思身坐紫赤絳三色雲氣之中內外翳冥有青龍白虎朱雀玄武獅子白鶴羅列左右南宮天機相宰神官俱降兆前日月照明洞煥室內頂生圓相光映十方如此分明密咒曰

无上玄元太上道君召出臣身中三五功曹左右官使者侍香玉童傳言玉女五帝直符直日香官各三十二人關啟所言今日吉慶長齋清堂修行至經无量度人願所啟上徹徑御无上三十二天元始上帝至尊几前畢

道藏輯要

度人妙經

卷

元集一

引炁三十二過東向誦經

元始无量度人上品妙經

元始洞玄靈寶本章南宮延生上品天機度人太微隱韻離合
自然混洞赤精无无上真化爲南極六司高宸天樞統兵總御
三元天機內省天政所干統攝南宮主校延生元始祖劫化生
諸天開明兩極水火天根上無復祖惟道爲身九龍雲書八鸞
真文攝氣命仙召靈招真十極飛報玉章瓊文三省開廓普植
神靈太玄都糾樞機輔丞持印執法八天鳳文無文不光無文
不明無文不立無文不成無文不度無文不生是謂大梵天中
之天鬱羅蕭臺玉山上京上極無上大羅玉清眇眇劫及若亡
若存三華離便南昌妙庭金闕玉房森羅淨靈神霄梵氣周迴
道藏輯要

度人妙經

卷

元集一

×××

十方中有南宮延生之神中有南極長生大帝君中有神府青
華帝君中有天機上相上吏真神真宰真君中有延生司馬大
神中有好生主錄韓司丈人真君中有南上司命司錄延壽益
算度厄尊神迴骸起死无量度人今日校錄諸天臨軒

東方无極延生注善神王長生大聖无量度人

南方无極延生考察神王長生大聖无量度人

西方无極延生賞功神王長生大聖无量度人

北方无極延生校錄神王長生大聖无量度人

東北无極延生定品神王長生大聖无量度人

東南无極延生紀壽神王長生大聖无量度人

西南无極延生上奏神王長生大聖无量度人

西北无極延生僊誥神王長生大聖无量度人

上方无極延生帝司神王長生大聖无量度人

下方无極延生巡省神王長生大聖无量度人

十方至真南宮延生神王長生大聖无量大神並乘紫雲琅輿
朱輦華蓋碧輪驂駕丹鳳五色青龍建火鈴制魔之節六甲召
真靈旛前嘯九部齊唱後吹八樂同鳴飛空遊僊嘯歌囉囉五
帥啟塗四靈翼轅億乘萬騎浮空而來傾光迴駕監真延生天
機丞相南昌上宮韓司主宰延生大神執籙把籍齊到帝前隨
所應度嚴校諸天兆能投誠奏告南宮標紀生命月日時年奏
道藏輯要

度人妙經

卷三

九集一
又三

章通詞洞館隱天詣南昌上宮天機內省金闕侍郎南上司命
靈虛真仙注筆丹籍延生續年已枯復榮已殘復完已滅復起
已朽復堅天機上生錫兆長生普告三界无極神鄉泉曲之府
北都羅豐三官九府十二河源上解祖考億劫種親疾除罪簿
落滅惡根不得拘留逼合鬼羣南宮符命時刻昇遷北都寒池
部衛形魂制魔保舉度品南宮死魂受鍊仙化成人身身受度
劫劫長存隨劫輪轉與天齊年永度三塗五苦八難超凌三界
逍遙上清上清之天天帝洞機無色之境梵行

東方八天

玉歷司仁天

帝慈持宗元

化植蒼靈天

帝廣繁儀王

道華秀功天

帝純平子夸

寶宸妙生天

帝冲立定僊

太玄靜真天

帝慈持宗元

邁僊滌想天

帝廣繁儀王

粵龍布和天

帝純平子夸

清邱洞夷天

帝冲立定僊

南方八天

正紀黃元天

帝覺淳丹明

朱房簡真天

帝絕洞九方

道藏輯要

度人妙經

卷一

亢集一

曲化耀威天

帝恬昭延生

炎正宗成天

帝殷公維良

皇極變成天

帝放鐸卒馳

丹明感僊天

帝鍊歸牧玄

飛龍晨燭天

帝育根祕懷

神闕絳玉天

帝浮棠嘉萌

西方八天

七靈素明天

帝虎襄威

機輪皓都天

帝勝元衍光

靜生太无天

帝自眞定閑

清明回光天

帝監印主收

敢司正刑天

帝制懲檢冥

道嚴戒城天

帝曜道商昌

玉龍昇汭天

帝昇奇纂神

盈虛總靈天

帝對神把真

北方八天

朝極靜順天

帝烈華至彬

履剛召靈天

帝常祐柯童

玄真海遙天

帝伯赤飄光

玄洞五雲天

帝曷迴樞純

道藏輯要

度人妙經

卷

元集一

金皇禁理天

帝保撫慶明

玄靈斗宮天

帝契超燕宗

萬福帝皇天

帝善持揭藍

玉雲變龍天

帝母精羅源

三十二天三十二帝南宮隱諱南宮隱名天中空洞自然靈章
太微隱韻太微之音太微之尊南昌之神天機真宰南宮之靈
九府十曹飛報上清无量之奧深不可詳敷落神真普度天人
今日欣慶受度延生永固歷關諸天請滅眾惡斬絕地根超度
五苦名列太玄東斗主算西斗記名北斗落死南斗上生中斗
大魁總監眾靈青帝護魂白帝侍魄赤帝養氣黑帝通血黃帝

中主萬神無越青籙真官吉多真伯赤籙真官擘山擎石白籙
眞官黃越赤靈黑籙眞官銜雷鐵腹黃籙眞官天道神力五籙
眞官萬神之宗飛行鼓從總領僊兵麾幢鼓節遊觀南宮威聲
赫奕帝省言功南昌續生嚴攝北豐神府受命普掃不祥神龍
吐毒天馬四張金精前驅飛神仗旛擲火萬里流鈴八衝敢有
干試拒遏上眞金鉞前戮流火後刑屠割鬼爽炎飈無停千千
截首萬萬剪形魔無千犯鬼無祆精三官北豐明檢鬼營不得
容隱金馬驛程普告無窮萬神咸聽三界五帝列言上清

大洞啟歷道合自然恍惚結氣界域斯張君父臣民列職分庠
凝玉爲京初易龍康帝出而治左右紀綱三宮肇基三省闢張

道藏輯要

度人妙經

卷

九集一

又文一

三府總司按牘維防眇眇億劫混沌之中上空無色下空無淵
風鼓澤涸水鑿爲山空生元土金剛乘天天有萬官命世經天
天上天下無幽無冥無形無影無極無窮自然神化變造形容
溟滓大梵與道合同民有耳目不知視聽潛默漠昧遼廓無光
赤明開圖運度乃宣元始安鎮敷落五篇赤書玉字八威龍文
保制劫運三界長存符變僊眞官司臣鄰氣復成符象與空淪
梵氣彌羅萬範開張元綱星舍隨氣流演三十二天輪轉無色
周迴十方蔭蓋乘車階登紫房太玄都司大魁植彊旋樞歷機
據斗建綱掖帶二省統號南昌順行六儀回度五常三十五分
總氣上元八景冥合氣入玄玄上帝樞機天之喉舌下應體躬

心目爲玄玄中太皇南宮延生上帝高真泛景太霞嘯詠洞章
金真朗郁流響泥丸雲營在中白珠連連玉音攝氣耳聽鐘絃
靈風自徊百神聚煙紫虛鬱秀輔翼萬仙千和萬合自然成真
真中有神長生大君青華左公玉妃右神高上道王執玉垂紳
太一在前司命在後桃康合延吐英喻秀執符把籙保命生根
閱籍南宮請算北元上遊上清出入華房八冥之內細微之中
下鎮人身樞爲腦空不動者空絳宮爲機索幽見微中理五氣
混合百神十轉迴精萬氣齊仙南宮延生无量度人機開八門
飛天法輪罪福禁戒宿命因緣普受開度死魂生身身得受生
上聞諸天諸天之上各有生門中有空洞謠歌之章真聖靈篇

道藏輯要

度人妙經

卷

九集一

辭參高真

第一南宮延生天機上相飛空之音

天機據摘	帝宮維南	欲延爾生
無引機轅	機軸不動	道大勿用
機轅相馳	不病則屍	天機乘物
召則應之	善惡功過	率關帝司
機靜神動	僊飛南宮	謹機祕真
卓爲靈人	運機以天	道法自然
運機以心	喪精失身	心目爲機
象以四時	我握其實	上帝所知

第二南宮延生天樞上相之章

六星在南

上通朱陵

炁炁丹霄

絳闕彤庭

環樞者空

空體無形

無形不動

孰使其靈

靈無使從

惟帝是膺

天政以常

勿伐勿矜

有相若助

徒爲主名

靜而無爲

道以公平

象彼泥丸

中居至神

混與空合

百骸自生

大樞任成

無得無名

我駕飛飈

下觀億程

第三南宮延生長生大帝歌曰

道藏輯要

度人妙經

卷

九集一

電輪舞空

命駕神宮

雲旗耀熠

紫雲光襲

下有萬仙

龍翼我輶

紫霞爲蓋

天衣河帶

樂攜高上

席宴華童

南昌列言

道濟真功

注善延生

勳靈仙宗

人無私機

正意爲師

情念蜂起

招魔致鬼

僊聖殊超然

豈獨長生已

浮身八景間

俯眄青圓羅

丹林覆諸天

玉音揚洞歌

憫此塵中人

一瞬隨流波

燒香捧靈篇

真人自來過

此三界之上飛空之中真王歌音參洞章誦之百遍名度南宮誦之千遍真仙保迎萬遍道備飛昇太空過度三界位登仙公有聞靈音真王敬形敕制地祇侍衛送迎拔出地戶五苦八難七祖昇遷永離幽關魂度朱陵受鍊更生是謂无量普度无窮有祕上天文諸天共所崇泄慢墮地獄禍及七祖翁

道言此二章並是諸天上帝及南宮延生隱祕之音統明樞機之司爲上帝喉舌心目之任皆隸南昌上宮爲金闕之要地兆能長齋封章奏告謁詣真靈上吏真宰敷功列言爲其延年身享天福澤逮後昆皆是大梵之言非世上常辭言無韻麗曲無華宛故謂玄奧難可尋詳上天所寶祕於玄都高上神霄玉清玉府道合治世應法以傳若有至人齋金寶質心依舊格告盟玉清然後而付焉

道藏輯要

度人妙經

卷

九集一

道言夫天地運度否終日月五星虧盈至聖神人休否末學之夫疾傷凡有此災同氣皆當齊心修齋六時行香十遍轉經福德立降消諸不祥无量之文普度無窮

道言夫末學道淺或仙品未充運應滅度身經太陰臨過之時同學至人爲其行香誦經十過以度屍形如法天機上相爲開南靈延生續命之簡注記善功魂神經上南宮隨其學功計日而得更生輪轉不惑便得神仙

道言夫天地運終星宿錯度日月失輝四時失度陰陽不調國

境歲災疫毒流行兆民死傷師友命過皆當修齋行香誦經夫
齋戒誦經功德甚重上消天災保鎮帝王下禳毒害以度兆民
生死受賴其福難勝故曰无量普度天人

道言凡有是經能為天地帝王兆民行是功德有災之日發心
修齋燒香誦經十過皆諸天記名萬神侍衛有別至人尅得為
聖君金闕之臣諸天記人功過毫分無失天中真王亦保舉爾
身得道者乃當洞明至言也

諸天中大梵隱語无量音 道君譔

元始靈書南宮延生祕篇

東方八天

道藏輯要

度人妙經

卅

亢集一

婁胃握樞 裔延重波 綽摩慶將

陸徒凝帝 抱能興生 仗仙獨麗

鏡伯麟元 綿洪騫熾 角飛兼羅

吻悅邁慧 越嘉童貽 雲鐸府位

梵方應落 彌迢緣遷 辟都登廟

丙甯盈牋

南方八天

鳥東甯駝 畢蒼究回 壯輔哀淵

星柯監摧 爵邏謹鞘 闡時沂泉

耀芒赤奕 龜蹊宜陳 聚掌滅魅

寂盧歷聽

號炎都利

軫冲格真

漸旻蘇康

嶽靈衝渦

正并挾宥

棘囉達晨

西方八天

灝景太華

局韓附瑾

變清流澱

萌梁順忻

曜燄剛式

璞持妙成

梵度元品

恢漠連濱

常融殊邱

敵乾義屏

混化開兌

偃池顛因

樞關嚳都

避爻魚圍

質傍樊儲

遍蕩披奔

道藏輯要

度人妙經

圭

元集一
118

北方八天

玄漢巨漠

騰輪腴陽

龍堅華育

惠班至莊

咎落正位

照艾虛危

錫河律多

稟察興和

瓚龜幽仰

杞靈欽蓬

晦洞室育

俛墮熒敖

竺洛紀籍

燕坤呈魔

內殺醜祆

玉延終壁

道言此諸天中大梵隱語无量之音舊文刻書南宮鳳臺之上
召南極斗機真人開兆玉歷延生永世拔度七祖帝澤千重身
飛金房書籍朱童字皆廣長一丈長生大君昔寶其文以為正

音有知其音能齋而誦之者諸天皆遣定真神王下觀其身書其功勤上奏諸天萬神朝禮地祇侍門大功真王保舉南昌道備克得遊行三界昇入神霄此音無所不辟無所不禳無所不度無所不成天真自然之音也故誦之致神王下觀上帝遙唱萬神朝禮三界侍軒羣祿束首鬼精自亡琳琅振響十方肅清河海靜默山嶽吞煙萬靈振伏招集羣仙天無氛穢地無祲塵冥慧洞清大量玄玄也

道藏輯要

度人妙經

卷

九集一